



Republika e Kosovës
Republika Kosovo-Republic of Kosovo
Kuvendi - Skupština – Assembly

Legjislatura VI
Sesioni vjeshtor

**Komisioni për Zhvillim Ekonomik, Infrastrukturë, Tregti, Industri dhe
Zhvillim Rajonal**

RAPORTI I PUNËS PËR VITIN 2017

Dhjetor 2017

Përmbajtja

Përbërja dhe struktura e komisionit

- I. Hyrje
- II. Fushëveprimi i komisionit
- III. Aktivitetet e komisionit
 - a. Mbledhjet e komisionit
 - b. Shqyrtimi i projektligjeve
 - c. Nisma legjislative
 - d. Shqyrtimi i raporteve vjetore për punën e institucioneve raportuese
 - e. Mbikëqyrja e zbatimit të ligjeve
 - f. Kontrolli parlamentar
 - g. Vizitat e komisionit brenda dhe jashtë vendit
 - h. Takimet individuale të kryetarit dhe anëtarëve tjerë të komisionit
- IV. Rezyme e punës së komisionit

Përbërja dhe struktura e komisionit

Nr. rendor	Emri dhe mbiemri	Pozita	Përkatësia politike
1	Sala BERISHA - SHALA	Kryetare	G/P – PDK
2	Dardan SEJDIU	Zëvendëskryetar i parë	G/P – LVV
3	Adem Hodza	Zëvendëskryetar i dytë	G/P – LS
4	Dardan MOLLIQAJ	Anëtar	G/P – LVV
5	Qendron KASTRATI	Anëtar	G/P – LVV
6	Hykmete BAJRAMI	Anëtare	G/P – LDK
7	Mimoza KUSARI - LILA	Anëtare	G/P – LDK
8	Memli Krasniqi	Anëtar	G/P – PDK
9	Gani DRESHAJ	Anëtar	G/P – AAK
10	Bilall SHERIFI	Anëtar	G/P – NISMA
11	Duda BALJE	Anëtare	G/P – 6+

I. Hyrje

Komisioni për Zhvillim Ekonomik, Infrastrukturë, Tregti, Industri dhe Zhvillim Rajonal (në tekstin e mëtejshëm: komisioni), është Komisioni Funkcional i Kuvendit të Republikës së Kosovës¹. Qëllimi i tij është t'i shqyrtojë të gjitha çështjet, që kanë të bëjnë me ekonominë, infrastrukturën, tregtinë, industrinë, energjetikën, transportin, telekomunikacionin etj.

Më qëllim të pasqyrit të punës së tij në vitin 2017 (tetor-dhjetor) të Legjislaturës VI, është hartuar ky Raport, i cili përmban të dhëna, informacione dhe shënime, që tregojnë për aktivitetet dhe punët që i ka realizuar komisioni gjatë kësaj periudhe, në pajtim me detyrat dhe me përgjegjësitë që i ka të përcaktuara në Rregulloren e Kuvendit të Republikës së Kosovës.

Në bazë të marrëveshjes së grupeve parlamentare, komisioni ka qenë i përbërë më anëtarë të të gjitha grupeve parlamentare, në bazë të numrit të votave të fituara në zgjedhjet e përgjithshme për Kuvendin e Kosovës, të mbajtura më 11 qershor 2017².

II. Fushëveprimi i komisionit

Komisioni në kuadër të fushëveprimit dhe të përgjegjësiave i shqyrton të gjitha çështjet që përfshijnë:

- Shqyrtimin e projektligjeve të fushëveprimit të tij;
- Shqyrtimin e strategjisë së përgjithshme për zhvillimin e veprimtarive ekonomike të Kosovës, duke i bërë rekomandime Kuvendit dhe ministrisë përkatëse etj.;
- Krijimin e infrastrukturës ligjore për mjedis më të sigurt për investime, për marrëveshje tregtare, për koncesione në infrastrukturë, energjetikë, resurse minerale dhe që lidhen me zhvillimin e këtyre degëve ekonomike;
- Angazhimin dhe përcjelljen e zbatimit të politikave të përgjithshme në fushën e ekonomisë, të tregtisë, të industrisë dhe të transportit;
- Shqyrtimin e projektbuxhetit dhe rishikimin e buxhetit të ministrive dhe agjencive-rregullatorë që i raportojnë komisionit, dhe i rekomandon Komisionit për Buxhet, shqyrtimin dhe miratimin e tij në Kuvend, duke i përfshirë edhe amendamentet;
- Mbikëqyrjen e zbatimit të ligjeve dhe agjencive -rregullatorë të fushëveprimit të tij;
- Shqyrtimin e çështjeve të tjera të përcaktuara me Rregullore dhe të çështjeve, të cilat me vendim të veçantë të Kuvendit i barten këtij komisioni;

Në ushtrimin e funksioneve, komisioni bashkëpunon me ministrinë e resorit përkatës dhe me të gjitha ministrinë e tjera, nga të cilat mund të kërkojë të dhëna konkrete, duke përfshirë këtu edhe raportet e drejtpërdrejta të ministrave ose të personave të tjerë përgjegjës, kur kjo kërkohet nga komisioni. Komisioni Parlamentar për të marrë informacione shtesë nga grupet e interesit apo aktorët kryesorë për zbatimin e ligjit dhe mbikëqyrjes efektive të politikave, në bashkëpunim të ngushtë me shoqërinë civile organizon dëgjime publike dhe tryeza të rrumbullakëta, ku diskutohet legjislacioni në interes të zhvillimit ekonomik dhe mënyrat për të nxitur biznesin dhe prodhimin vendor në Kosovë, thithjen e investimeve të huaja, përmirësimin e mjedisit të biznesit, dhe për funksionimin dhe fuqizimin e agjencive dhe rregullatorëve që i raportojnë komisionit.

¹ Rregullorja e Kuvendit të Republikës së Kosovës, neni 69 par. 4.3.

² Shih për këtë tabelën me përbërjen dhe strukturën e komisionit.

III. Aktivitetet e komisionit

Komisioni gjatë këtij sesioni ka zhvilluar aktivitetet e tij në bazë të Planit të tij të Punës, të hartuar gjithnjë duke u bazuar në Strategjinë legjislative të Qeverisë³. Këto aktivitete komisioni i ka realizuar nëpërmjet mbledhjeve të rregullta, mbledhjeve të grupeve të punës, monitorimit të zbatimit të ligjit, takimeve zyrtare brenda dhe jashtë vendit dhe nëpërmjet vizitave zyrtare në institucionet përkatëse, më qëllim të mbikëqyrjes së punës së tyre.

Duke u bazuar në Strategjisë legjislative të Qeverisë, komisioni në fillim të punës së tij në tetor të këtij viti, e ka miratuar Planin e Punës, në bazë të cilit edhe i ka zhvilluar aktivitetet e veta.

a) Mbledhjet e komisionit

Komisioni gjatë sesionit vjeshtor të Legjislaturës VI, të këtij viti, i ka realizuar gjithsej 10 (dhjetë) mbledhje të rregullta. *Mbledhjen e tij të parë e ka mbajtur më 10.10.2017*, që është aktiviteti i parë i tij për këtë sesion. *Ndërkaq, mbledhja e fundit e komisionit është mbajtur më 22.12.2017*, që është aktiviteti i fundit i komisionit për këtë vit.

Gjatë punës së vet, komisioni, ka zbatuar procedurat e parapara me Rregulloren e Kuvendit⁴. Gjithnjë në mbështetje të Rregullores së Kuvendit, Komisioni i ka realizuar mbledhjet dhe takimet e tij të rregullta, në të cilat janë shqyrtuar dyzet e një (41) pika të rendit të ditës⁵. Në mbledhjet e Komisionit, sipas ftesës, kanë marrë pjesë përfaqësues të ministrive (ministra etj.) dhe përfaqësues të organizatave të tjera.

Mbledhjet e komisionit kanë qenë publike dhe janë monitoruar nga përfaqësues të organizatave qeveritare dhe joqeveritare vendore e ndërkombëtare⁶. Punën e komisionit e kanë monitoruar përfaqësuesit e Zyrës së BE-së, OSBE-së, NDI-së, INDEP, GLPS, KDI-së, asociacione dhe organizata të tjera. Po ashtu, puna e komisionit ka pasur hapësirë të mjaftueshme edhe në media të shkruara dhe në ato elektronike.

Në realizimin e punës së vet, komisioni është mbështetur nga partnerë të tij. Duke i marrë parasysh aktivitetet e zhvilluara gjatë këtij sesioni, komisioni ka arritur në masën më të madhe të përmbush Planin e Punës për këtë sesion.

b) Shqyrtimi i projektligjeve

Komisioni, si organ i Kuvendit, duke zbatuar mandatin e tij, miratimin e ligjeve apo bërjen e ligjeve, gjatë sesionit pranveror, ka shqyrtuar Projektligjet në kuadër të fushëveprimit e tij.

³ Komisionet parlamentare në secilin fillimit, pasi ta marrin Strategjinë legjislative nga Qeveria e hartojnë Planin e Punës për vitin vijues.

⁴ Rregullorja e Kuvendit të Republikës së Kosovës, neni 62.

⁵ Rregullorja e Kuvendit të Republikës së Kosovës, neni 64.

⁶ Rregullorja e Kuvendit të Republikës së Kosovës, neni 65.

Gjatë kësaj periudhe raportuese Qeveria ka proceduar vetëm dy projektligje, komisioni ka bërë të mundur 1 (një) projektligj ta përfundojë dhe është i gatshëm për lexim të dytë në Kuvend (Projektligji nr.06/L- 019 për Standardizim), dhe 1 (një) projektligj është në procedurë të shqyrtimit, ka kaluar leximin e parë në Kuvend (Projektligji nr.06/L-016 për Shoqëritë tregtare).

Në lidhje me shqyrtimin e projektligjeve të lartcekura, komisioni ka formuar 2 (dy) grupe të punës, për secilin Projektligj. Në grupe punuese janë trajtuar Projektligjet nga aspekti profesional dhe teknik, ku për të cilat kryesuesi i grupit punues, ka ftuar ministrinë e linjës, ekspertë të ndryshëm që kanë marrë pjesë në hartimin e Projektligjit si dhe ka marrë opinionet e shoqërisë civile.

Gjatë shqyrtimit të këtyre Projektligjeve, komisioni ka hartuar dhe miratuar nëntëmbëdhjetë (19) amendamente⁷.

c) Nisma Legjislative

Gjatë këtij viti komisioni ka hartuar “Projektligjin për Miniera dhe Minerale”⁸. Grupi punues ka bashkëpunuar ngushtë dhe është koordinuar me Ministrinë e Zhvillimit Ekonomik, si dhe me ministritë përkatëse në Qeverinë e Republikës së Kosovës dhe ekspertë të fushës, Komisionin e Pavarur për Miniera dhe Minerale – KPMM. Komisioni, më 30.11.2017, e ka përfunduar punën e tij dhe e ka proceduar për mendim në Qeveri sipas procedurës.

d) Shqyrtimi i raporteve vjetore për punën e institucioneve raportuese

Komisioni në bazë të fushëveprimit të tij, gjatë këtij sesioni i ka shqyrtuar edhe raportet vjetore të agjencive të pavarura, të themeluara nga Kuvendi⁹. Komisioni lidhur me këto raporte, në disa raste ka kërkuar raport shtesë.

Në këtë sesion raportet vjetore të punës të institucioneve raportuese të cilat janë shqyrtuar nga ana e komisionit janë si vijon:

1. Raporti vjetor i punës së Autoritetit Rregullator të Komunikimeve Elektronike dhe Postare;
2. Raporti vjetor i punës së Ndërmarrjes Publike Operatori i Sistemit, Transmisionit dhe Tregut KOSTT sh. a.

e) Mbikëqyrja e zbatimit të ligjeve

Komisioni pati parasysh se një prej detyrimeve kushtetuese është edhe mbikëqyrja e zbatimit të ligjit, e jo vetëm nxjerrja e tij. Gjatë kësaj periudhe komisioni ka nisur mbikëqyrjen e zbatimit të Ligjit për energjinë elektrike.

⁷ Këtu janë përfshirë amendamentet të cilat janë miratuar nga komisioni për ato projektligje që e kanë kaluar atë fazë.

⁸ Kjo nisme legjislative është e kryetares Sala Berisha – Shala në mbështetje të komisionit.

⁹ Rregullorja e Kuvendit të Republikës së Kosovës, neni 72.

f) Kontrolli parlamentar

Duke ushtruar mandatin e tij si mbikëqyrës i punës së Qeverisë/Ministrive që i raportojnë Komisionit, ministrat e dikastereve përkatëse janë ftuar për raportim në komision, varësisht nga tema të cilën e ka trajtuar komisioni, si vijon:

1. Raportim i z. Bajram Hasani, ministër i Tregtisë dhe Industrisë, në mbledhje të komisionit, më 7.11.2017, lidhur me përparësitë e ministrisë, si dhe shqyrtimin në parim të Projektligjit nr.06/L-016 për Shoqëritë tregtare dhe Projektligjit nr.06/L-019 për Standardizim;
2. Raportim i z. Valdrin Lluka, ministër i Zhvillimit Ekonomik, në mbledhje të komisionit, më 22.12.2017 lidhur me prioritetet e ministrisë, si dhe për Strategjinë e Energjisë 2017-2026.

g) Vizitat e komisionit brenda dhe jashtë vendit

Komisioni, në vazhden e punës së tij, e ka realizuar edhe anën e bashkëpunimit ndërkombëtar, duke marrë pjesë në Konferenca rajonale, si dhe në punëtori të ndryshme etj. Kështu që gjatë këtij sesi ka realizuar gjithsej 2 (dy) vizita jashtë vendit, si vijon:

- Më 19-20 dhjetor 2017 kryetarja dhe deputetja Hykmete Bajrami kanë marrë pjesë në Plenumin e Komunitetit të Energjisë në Vjenë;
- Më 23-24 dhjetor 2017 kryetarja ka marrë pjesë në Punëtori në Durrës lidhur me funksionimin e agjencive të pavarura, organizuar nga OJQ Dplus;

h) Takimet individuale të kryetares dhe të komisionit

Gjatë kësaj periudhe raportuese, komisioni dhe kryetarja e komisionit ka realizuar 5 (pesë) takime si vijon:

- Më 12.10.2017, kryetarja takim me INDEP;
- Më 23.10.2017 kryetarja takim me KDI;
- Më 12.12.2017 kryetarja takim me Shoqatën e Sigurimeve;
- Më 13.12.2017 Komisioni takim me Projektin e Binjakëzimit;
- Më 15.12.2017 Komisioni takim me drejtorin e Sekretariatit të Komunitetit të Energjisë.

IV. Rezume e punës së komisionit

Tabela A – Pasqyrimi në formë tabelore i indikatorëve matës të punës së komisionit.

Nr.	Indikatorët	Rezultati
1	Numri i mbledhje të mbajtura	10
2	Numri i pikave të rendit të ditës	41
3	Procesverbale të hartuara	10
4	Projektligje të shqyrtuara dhe të amendamentuara	////
5	Projektligje në procedurën e shqyrtimit në komision	2
6	Projektligje të tërhequra nga Qeveria (rendi i ditës)	////
7	Numri i formuar i grupeve punuese	4
8	Numri i mbledhjeve të grupeve punuese	5
9	Numri i amendamenteve të propozuara	19
10	Numri i raporteve të hartuara për projektligje	3
11	Dhënia e mendimeve komisioneve të tjera	///
12	Numri i Rekomandimeve	6
13	Shqyrtimi i raporteve vjetore të institucioneve raportuese	2
14	Shqyrtimi i kërkesave të institucioneve publike dhe private	2
15	Numri i vendimeve që i ka marrë komisioni	4
16	Vizitat e realizuara jashtë vendit	2
17	Vizitat e realizuara brenda vendit	////
18	Dëgjime publike	////
19	Monitorimi i ligjeve	////
20	Tryeza	////
21	Punëtori/Workshop	1

Raportin e përgatiti:

Njësia për Mbështetjen e Komisionit¹⁰

¹⁰ Njësia mbështetëse e Komisionit ka këtë përbërje: Armend Ademaj, koordinator i komisionit, Muhamet Morina dhe Besim Haliti, zyrtarë të lartë të fushës, Veton Raci, zyrtar ligjor dhe Nurie Morina, nëpunëse administrative.